

## **ATTAVIK 146-up siunnersortaasa allagaat:**

- Attavik imminut toqunnissaminnik eqqarsaateqartut, eqqarsaateqartartut, imminut toqussimasunut ilaqutaasut qanigisaasut kiisalu inuit ajornartorsiutillit nikallungassuteqartut sianerfigisinnaavaat uagullu oqaloqatiginnittartuuvugut.
- Attaviup akeqannginnera assut sianertartunut qujanarpoq pisariaqartitsinerpaat siarnguttarmata
- Attavik, ukiut pingajussaat ingerlavugut
- Ammasarpugut ataasinngorneq aamma pingasunngorneq 19:00-mit 22:00 tungaanut, 3 tiimit.
- Attavimmi sulisuusugut 8-vugut, 6-nillit aallaqqaataaniilli peqataasut.
- TV-kkut takusassiatut Attavik saqqummiunneqaraangat inuit siarnguttarput, sapiinnerulersarput!
- Qaammammut 2-3-riarluta marlukkaarluta piareersimasarpugut.
- Marluusarnerput uatsinnut toqqissisimanarpoq iluarlunilu.
- Qaammammut ataasiarluta 2 tiimit PAARISA-mi naapittarnerput assut iluaraarput.
- Qaammammut ataasiarluta 2 tiimit psykologimut supervisionertarnerput assut iluaraarput
- Oqaloqateqarsimanerit tamaasa immersugassaq apeqquterpassualik immersortarparput.
- Statistik sananeqartalerpoq allattuisarnigut peqqutaallutik
- PAARISA-mi ningiunnguarpud Julia D. Lyberth assut iluaraarput isumagilluartarmatigut, ataqqinnilluni, inussiarnarluni, qanilaarluni, paasinnillunilu. Tamanna sulisuulluni pingaaruteqaqaaq.
- Attavimmi sulisut kursuserparpugut assut uagutsinut iluaqutaasunik.
- DK-mit Livslinien kursuserfitsimmat inuppassuulluta peqataavugut, psykologit Livsliniemi sulisarsimasut/sulisartut kursuserfitsisuupput

- Tunumiusut kursuserpugut tunumiut inooriaasaannut paasisaqarluarluta.
- Avanersuarmitut kursuserpugut.
- Nunaqarfimmiut atugaat illoqarfimmiuusugut, annertuumik paasisaqarfigilerpagut nunaqarfimmiut sianertartut amerlammata
- Imminut toqqunniarlutik aaliangereersimagaluartut sianertartut misilittagaqarfigilerparput, taamaalilluta qanoq ikiuigasuarmissarput nalorniunnaarlutigu.
- Imminut toqussimasut ilaqutaanik tusarnaarneq, paasinninneq, tuppallersaaneq sungiusimalerparput.

#### Oqaloqatigisarpagut makkua:

- Angutit saaffiginnittalerput, saaffiginnittartut affaasa missigaat.
- Sianertartut sianeqqittartut arlaqartarput.
- Sianersimasut qujallutik sianertartut arlaqarput.
- Ajornartorsiortut saaffiginninnissaminnut nalornisut aqutissiuuttarpagut saaffiginniffiusinnaasut allat oqarasuaataasa normui atorluartaqaagut. PAARISA-p mappiliuunnikuugamisigut (Mappe)
- Kinguaassiuutimikkut atornerlunneqarsimasut sianertarput.
- Kinguaassiuutimikkut atornerlunneqarsimasut oqarasuaatitaarmata malugaarput.
- Kiserliortut saaffissaaleqisut sianertartut amerlapput.
- Aappariinnerliortut tusaaneqarnissaminnik pisariaqartitsisut oqaloqatigisarpagut.
- Arnat tarnimikkut, timimikkullu annersagaasartut sianertarput.
- Imigassamik ikiaroorartumillu atornerluisut saaffissaasuasut, Qaqiffinnut, socialkontor-inut innersuuttarpagut.
- Tarnimikkut qasoqqasartut arlallit sianertarput.

- Meerannguit ajornartorsiortut/aliasuuteqartut sianertarput, inersimasumit kaammattorneqarlutik
- Nunaqarfimmiut assut ajornartorsiutigisarpaat saaffissaaleqisarnertik nunaqqatiminnut saaffiginninnissartik nangaassutigisaramikku, tatigisassaaruttaramik.
- Nunaqarfimmiut ilungersunartumik/aliantumik misigisaqarsimatillugit tarnip pissusaanik ikiorneqarnissaminnik pisariaqartitsisorujussuit oqaloqatigalugit assut erloqinartarpoq, sapinngisannguarput tamaat tusarnaartarpagut kaammattorlugit tuppallersarlugit. Tarnip pissusaannik ilisimasalik sivisoorsuarmik utaqqisariaqartarmassuk.
- Inuit ineqanngitsut, ilaquttaminni/ilisimasarisaminni najugaqarallartut, saaffissaaleqisut sumiiffiini pisortat periarfissaqartitsinngikkaangata inissaqartitsinngikkaangata uatsinnut ilungersunartarpoq.
- Angajoqqaat qitornaminnik perorsaaniarnerminni nalornisut.
- Imminut toqunnissamik eqqarsaateqartartut nikallungasut qitornallit. Ilaqutariit oqarasuaataannut innersuuttarpagut.
- Inersimasut inuunerup artornarneranik annertuumik misigisimasut imminut toqunnissaminnik eqqarsaateqartartut, saaffissaasuasut tusarnaartarpagut uagullu sakkussaannik annikikkaluartunik tunisarpagut.
- Imigassartorsimasut oqaloqatiginaveersaartarpagut imminut toqunnissaminnik maannakkorpiaq oqalunngikkaangata, qaatuppata sianeqqusarpagut.
- Inuit tupinnaannartumik atugarliortut oqaloqatigisarpagut.

Attavik 146-mi sulisut.